

In plus dad 1,6% dal gudogn dal concern

Il quint annual da la Banca Chantunala Grischuna 2014

■ (cp) La Banca Chantunala Grischuna (BCG) è sa sviluppada en il rom da las spetgas. Il gudogn dal concern è creschì per 1,6% sin 163,7 miu francs. Al bun resultat han contribuì in augment legraivel ed ina productività excellenta. Considerond il success ha la banca pajà era quest onn ina dividenda da 38 francs u totalmain 95 miu francs al chantun Grischun ed als participants.

«Ils affars da banca – damai era la BCG – spetgan vinavant grondas sfidas. Grazia a sia productività excellenta sco er a sia dotaziun d'agens meds surproporzionala dispona la banca d'in fundament fitg ferm. Las sfidas futuras pon uschia vegnir prendidas per mauns a moda optimistica e cun clera mira, malgrà cundiziuns generalas pli difficilas», constatescha il president da banca Peter Fanconi. «Cun il resultat da fatschenta 2014 essan nus cuntents. Nus avain nizzegià las schanzas da creschient-scha ed avain fitgà fitg bain pe en il martgà. Uschia avain nus tschentà las basas per in nov svilup en la fatschenta da cumissiuns», commentescha il CEO Alois Vinzens il quint annual da la Banca Chantunala Grischuna.

Per l'emprima giada surpassà 30 mia. francs facultad dals clients

La facultad dals clients è creschida grazia al svilup positiv als martgads da chapital per 2,2% sin 30,2 mia. francs. Surtut il regress da clients cun in domicil a l'ester ha manà ad in scul net da -182,7 miu francs en la facultad dals clients. La creschient-scha dals emprests a la clientella ha importà bundant 3,3%. Quai malgrà che la banca ha stuì pajar enavos, sin fundament da las novas prescripziuns da liquidità, investiziuns dal Cash Management da 250 miu francs. Las ipotecas èn creschidas per 840 miu francs ubain 6,5%. Quest augment è stà pussaivel grazia ad



La Banca Chantunala Grischuna cun il CEO Alois Vinzens ha fatg in gudogn da 163,7 miliuns francs l'onn 2014.

FOTO M. HARTMANN

ina creschientscha da 3,3% realisada cun finanziar ipotecas cun pouca ristga ordai-fer il chantun.

Retgav brut

Il resultat da la fatschenta da tschains (-2,6%) è sa sbassà vinavant pervia da las tariffas dal martgà monetar e dal martgà da chapital che restan vinavant bassas. Las marschas dals respargns e da las investiziuns èn sa reducidas malgrà che las cundiziuns èn vegnidas adattadas. La segirada consequenta dals emprests a lunga vista ha manà en l'ambient da tschains bass ensemen cun il potenzial limità da sbassar ils tschains ad in retgav pli pitschen tar ils depositi da clients. Il resultat da la fatschenta da cumissiuns e da servetschs è creschì levamain sin 113,2 miu francs. Il regress da las transacziuns en la fatschenta da cussegliaziun e las midadas menziunadas en la structura da la clientella han ins pudì cumpensar grazia al svilup legraivel dals mandants d'administrar la facultad.

Custs supplementars unics da la cassa da pensiun

Ils custs da fatschenta èn s'augmentads en confrunt cun l'onn precedent per +1,4% u +2,3 miu francs. Las expensas supplementaras èn sa resultadas en consequenza d'ina midada dal sistem ed in'augmentaziun da las prestaziuns da la cassa da pensiun (+3,4 miu francs), dals quals ils custs supplementars da 2,8 miu francs èn unics. Malgrà quests custs extraordinaris è la productività da la banca, en relaziun cun la relaziun da custs e d'entradas II cun 48,8%, anc adina excellenta. Senza resguardar ils facturs spezial munta la cifra distinctiva a 48,0%.

Sminui levamain il gudogn brut; augmentà il gudogn dal concern

Il resultat operativ (gudogn brut) è sa reduci en il rom previs per 3,3% sin 207,3 miu francs. Las rectificaziuns da la valor, las retenziuns e las sperditas indebiteschian il conto dal quint da gudogn e perdita cun 6,6 miu francs, damai cun bler damain che

l'onn precedent (9,2 miu francs). Las ristgas da bonitad distgargian il quint da gudogn e perdita cun +1,5 miu francs (onn precedent: -0,2 miu francs). L'effectiv minimal da credits cun retard dal pajament (Non Performing Loans) è cun 0,18% sin in nivel istoricamain bass. Il gudogn declerà dal concern è s'augmentà, suenter l'assegnaziun a las reservas per ristgas da banca generalas, per 1,6% sin 163,8 miu francs.

Program fiscal da l'USA: terminà las lavurs

La Banca Chantunala Grischuna partecipa a la categoria dus dal program fiscal da l'USA. L'analisa da las datas da la clientella è vegnida terminada tenor plan. Ils resultats cumprovan la valitaziun oriunda da las ristgas. La BCG n'ha stuì furnir naginas datas l'atun 2014. La terminaziun da la procedura sa retardescha. Corresponsentamain ha la banca furnì retenziuns per ils custs da procedura ed in chasti pussaivel.

Dotaziun da l'agen chapital: la quota dal chapital essenzial è excellenta

La BCG ha a lunga vista la finamira da sa differenziar positivamain dal martgà cun ina dotaziun d'agen chapital surproporzionala. La quota da chapital validada munta vinavant a 18,9% (relaziun CET1) e sa cumpona cumplainamain da chapital essenzial ferm. Cumpareglia cun la quota pretendida dal dretg da controlla da 12,7% (inclus il paraculp anticiclic per ils 30 da zercladur 2014) dispona la banca damai d'in polster enorm.

99,7 miu francs per il chantun, ils participants e la publicità

Sin fundament dal bun resultat paja la BCG era quest onn ina dividenda da 38 francs sco l'onn precedent. La relaziun da pajament munta a 52,3% e cuntanscha da-

mai la dimensiun aspirada da 50 fin 60%. En total vegnan distribuids via las dividendas e l'indemnisaziun da la garanzia stata-la 97,7 miu francs al chantun Grischun ed als participants. Al fond da contribuziun per projects nuncommerzial dals champs cultura, util public, sport, economia, turissem e societad èn danovamain vegnids assegnads dus miu francs.

Sguard en l'avegnir 2015: In nausch resultat da la fatschenta da tschains

La Banca Chantunala Grischuna quinta per il 2015 cun in ambient pretensius cun tschains negativs dal martgà monetar e dal martgà da chapital. L'aboliziun dal curs minimal da l'euro ed ils tschains negativs influenzeschan il resultat da fatschenta da la BCG a moda negativa. La banca spetga ch'il gudogn per scrit da participaziun vegnia a sa reducir sin 64 fin 68 francs, quai che munta ad in gudogn solid da tranter 160 e 170 miu francs. Sin fundament da las turbulenzas al martgà spetga la banca cun in'afflussiun da novs daners nets da 200 miu francs e d'in augment da 450 miu francs en la fatschenta d'emprests. La BCG quinta da pudair pajar er il 2015 la medema dividenda.

2014 en cifras

- facultad dals clients +2,2%/novs daners -182,7 miu francs
- emprests a la clientella +3,3%; ipotecas +6,5%
- gudogn brut: 207,3 miu francs (-3,3%)
- gudogn dal concern: 163,8 miu francs (+1,6%)
- relaziun da custs e d'entradas II: 48,8% (excl. facturs spezial: 48,0%)
- relaziun Tier 1/relaziun CET1: 18,9% (onn precedent: 18,9%)